

PRIMJERI U organizaciji Udruženja "Obrazovanje gradi BiH"

Godišnja stipendija za 121 učenika i 8 studenata Roma

Iz godine u godinu sve je veći broj Roma korisnika stipendije, koji završe ili nastave sa školovanjem, kazao je Divjak

Udruženje "Obrazovanje gradi BiH" dodijelilo je jučer stipendije učenicima i studentima romske nacionalnosti. U školskoj 2016./2017. godini ovo udruženje će iz granta Fonda "Otvoreno društvo BiH" i donacije "Comite catholique contre la faim et pour le Developpement" iz Francuske dodijeliti 129 godišnjih stipendija.

Pravo na stipendiju ostvario je 121 učenik i osam studenata iz 27 gradova BiH, u vrijednosti od 129.000 maraka.

Veća želja

Izvršni direktor Udruženja Jovan Divjak kazao je da je u proteklih 11 godina dodijeljeno 1.369 stipendija, u vrijednosti od 1.249.220 KM, istaknuvši da je iz godine u godinu sve veći broj onih koji završe ili nastave sa školovanjem.

Naveo je i da je 53 posto



S uručjenja: Za stipendije 129.000 maraka

ženskih i 47 posto muških korisnika, što im je pokazalo da djevojke imaju više želje da se školuju.

Sejfo Sejdić, učenik četvrtog razreda Srednje ugostiteljsko-turističke škole, rekao je da je ovo već četvrta godina kako prima ovu stipendiju.

- Ovo mi uveliko olakšava školovanje. Na ovaj način

Uspješni primjeri Dalila Ahmetović i braća Selman

- Prethodne godine dale su izuzetne rezultate. Neki od primjera su Dalila Ahmetović, koja je prije dvije godine magistrirala na Fakultetu za saobraćaj i komunikacije. Braća Selman

iz Bihaća, koja su završila Akademiju umjetnosti u Banjoj Luci, već su postigla zapažene međunarodne rezultate na izložbama. Sve ovo treba da motivira i vas i nas - naglasio je Divjak.

moгу kupiti pribor za školu, užinu i sve ostalo što mi je potrebno za normalno školovanje. Zbog toga sam rasterećeniji i lakše se mogu posvetiti ostvarivanju boljeg školskog uspjeha - kazao je Sejdić.

Gubi se pravo

Almira Pandžić, koja je ove godine upisala Mašinski fakultet, također je is-

taknula značaj ove stipendije.

- Dolazim iz porodice koja ima veliki broj članova. Dakle, svih mojih petero braće i sestara se školuje, a roditelji ne rade. Ne znam kako bih bez nje. Stipendija je i odlična motivacija, jer ukoliko se obnovi godina ili padne razred, onda se gubi pravo - kazala je Pandžić.

S. OBRADOVIĆ



Sejdić: Olakšava školovanje



Pandžić: Odlična motivacija

Sutra i u srijedu u Općoj bolnici

Rođnata kontrola čišćene i pregled pluća